



Bou ons kinders vir môre

Sondagskool 3

Lestitel: Die Here Jesus reinig die tempel

'n Ouerhandleiding

Sondagskooltuisonderrig



Liewe Ouer

Welkom by die les “**Die Here Jesus reinig die tempel**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Die Here Jesus reinig die tempel
Bybelwoord	Johannes 2:13 – 25
Lesdoelwit	Jesus het dit op homself geneem om die heiligheid van die Tempel, die Huis van God, te handhaaf. God se Gees woon in ons harte - dit maak ook van ons harte 'n tempel. Ons wil God se huis sowel as ons harte heilig hou.

Lesopsomming:

Jesus en sy dissipels het na die tempel gegaan om tot God te bid.

Dit was pasga en die tempel was vol mense. Daar was baie geraas. Die dissipels het na Jesus gekyk en gedink dat Hy gelukkig sou wees om soveel mense in God se Huis te sien. Maar Jesus het nie gelukkig gelyk nie.

Weet jy hoekom Hy so kwaad was? Dit is omdat die mense in God se tempel baie gierig was. Hulle het probeer om baie geld te verdien uit die mense wat gekom het om God te aanbid. Jesus het die tafels met die geld omgegooi en hulle muntstukke uitgegooi. Hy het ook 'n sweep van toue gemaak en al die diere uit die tempel verdryf. Hy het gesê: “moenie die Huis van my Vader 'n handelshuis maak nie.”

Die mense het gevra: Wie dink Jesus is Hy? Watter reg het Hy om op hierdie manier op te tree?

Jesus het vir hulle gesê dat die tempel afgebreek sal word en dat Hy dit weer binne drie dae sal oprig. Die mense het gelag. Dit het 46 jaar geneem om die tempel te bou. Hulle het nie verstaan nie.

Maar Jesus het na sy liggaam as 'n tempel verwys, omdat God in sy hart gewoon het. Sy liggaam sou gekruisig word en Hy sou na 3 dae weer opstaan. Wat 'n wonderwerk.



Wat beteken hierdie les vandag vir ons?

Wat wil die les vir ons leer?

- Die Huis van God moet 'n plek wees waar ons God prys, eer en aanbid. Dit is so 'n heilige plek. Ons moenie aardse sake in die Huis van God doen nie.
- Hoe tree ons in die Huis van God op? Hou ons dit heilig?
- Jesus het na sy liggaam verwys as die “Tempel”. Dit was omdat God in sy hart gewoon het.
- God leef in ons harte. Dit beteken dat ons liggame ook God se tempel is. Ons moet veg en weerstand bied teen alles wat ons van God kan skei.
- Jesus is so 'n goeie onderwyser. Hy wys ons hoe ons teenoor God moet optree.

Sommige vrae wat ons kan vra:

- Verstaan jy waarom Jesus kwaad was en so opgetree het?

Antwoord: Jesus het verstaan dat die tempel 'n plek is om God te aanbid. Dit behoort nie 'n plek te wees om sake te doen nie. Dit moet heilig gehou word. Jesus was bereid om te veg om die tempel heilig te maak.

- Jesus het gesê dat hy die tempel in drie dae sou herbou? Maar dit is onmoontlik om 'n tempel in daardie kort tydjie te bou. Wat dink jy het hy bedoel?

Antwoord: Jesus het nie na die tempelgebou verwys nie. Hy het na sy liggaam verwys as 'n tempel. Dit is omdat 'n tempel die plek is waar God woon en God het in sy hart geleef. Jesus het die tempel herbou - Hy is gekruisig en is na drie dae weer opgewek.

- Hoe tree ons in die kerk op?

Antwoord: Ons het respek vir die Huis van God. Ons sorg dat dit deur ons optrede heilig gehou word. Ons help ook om God se Huis skoon te maak. Ons sang is 'n vorm van aanbidding tot God. Ons kyk na Jesus se voorbeeld. Hy is ons onderwyser.



'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.